

مقتطفات من شعر السيد قاسم العباوي

طائر فيه انعتاق الرياح

حمل اسم قريته ورحل ، وفي لجج الشعر اللبناني الاصيل ، أودع جواهر الكلم ولآلئ العبر ، فازدانت بلدته بأكاليل الغار ، افتخارا بابنها البار.

وقد أبت كنوزه إلا أن تستقر بعيدا في بحر المعنى ، حيث لم يطلع على لمعانها الا أولئك الذين سبروا أغوار التراث وعاشوا عمالقة الفن النبيل.

لذا فإن ما بين دفتي هذا الكتاب ، غيضا من فيض ما قدّر لنا التقاطه من ذاك اليم الرحب الذي ينبئك أصالة بشاعر حفر في الوجدان و الذاكرة رسوما لن يمحوها الزمان مهما تقادم.

ولكن أتى للصيادين مهما تكاثروا وجهدوا وسعوا، أن يحيطوا علما بما في البحر من درر. فعذرا يا شاعرنا و حسبنا أن يكون نتاجنا هذا بطاقة وفاء وعربون محبة ، والعذر عند كرام القوم مقبول .

إنها محاولة نريدها تاجا مرصعا بياقوت القصائد لنزين به هام بلدتنا، فنزيد الى نجوم السماء نجمة.

- و ختاماً ، نفتخر بانفسنا بأن قدمنا لكم عملنا الجديد ، فإلى كل الذين ساهموا معنا، تحايا الشكر و التقدير ، راجين أن ينال اعجابكم وملتمسين منكم رفقنا بأفكاركم البّناء.

- ومع عمل جديد و نتاج جديد يصدر باسمكم ، بعدما تكونوا انتم من عمل به،و إلى كلام آخر نملك ان نقوله و تملكون أن تسمعه ، نستودعكم الله.

الشباب الجامعي
عبّأ

تقديم

بقلم الدكتور محمد أحمد ترحيني(*)

ليس غريباً أن يكون "قاسم العباوي" شاعراً، فهو ابن الجبل العاملي، منبت الشعر والأدب وموئل الشعراء والأدباء... جبل عامل الذي ما خبت فيه جذوة الشعر حين كسدت عند غيره سوق الشعر وجمدت قرائح الشعراء، ولا انقطعت عنه جسور الأدب يوم انقطعت الجسور في سائر المشرق... وبقي شعراء "عامله" ومضات وهاجة تنير عتمة الجهل المخيم على العقول والنفوس، ويوم أظلمت سماء الشعر وغامت سبل العلم والمعرفة.

في هذا الموقع الخصب، ترعرع "العباوي" ينهل من معين تراثه الفكري والأدبي، وفي هذا الجبل العاملي الراض لكل أشكال الجهل والقهر والذل والتسلط، المقاوم بالبندقية كما بالعلم استمد "العباوي" نفحة شعره وأدبه، محاولاً السير على خطى قوافل الأدباء والشعراء ممن أمدوا الحركة الفكرية الأدبية بغيض من نفوسهم وعقولهم. أنه واحد من أولئك الذين غصّ بهم الصرح العاملي على رحبه. شعراء فصحي كانوا، أم شعراء زجل.

وإذا كان للشعر الفصيح موقعه وهالته، فلشعر الزجل دفئه وحرارته... إنه صدق وانفعال... وبديهة وارتجال... إنه النفس... وبوح اللغة اليومية المحكية، حيث لا تحجبه رصانة اللغة الفصحى ولا قواعدها وقوانينها. وربما كان هذا سر شغف الناس بالزجل، وسر رواجه بين الشعوب، فهو المعبر عن آمالهم وآلامهم، وبه يؤرخون لأفراحهم وأتراحهم ومناسباتهم، ومن خلاله يصورون عاداتهم وتقاليدهم، ويصفون أيامهم وحروبهم، ويشيدون ببطولاتهم وينتشون بانتصاراتهم، ويعتزون بمعتقداتهم، ويلتصقون أبداً بتفاصيل حياتهم.

وما زجل "العباوي" في ديوانه غير هذا...! ديوان زجلي يضم مجموعة من القصائد الموزونة المقفاة، تطول حيناً وتقتصر حيناً... ينطبع بعضها بطابع سياسي يعكس ما عصف بلبنان والعالم العربي، بل وبعض العالم الإسلامي من أحداث جسام في النصف الثاني من القرن العشرين، حيث يتألم الشاعر لما يتعرض له الجنوب اللبناني من اجتياحات، ولما يصيب أهله من مأسا واعتداءات في ظل احتلال غاشم لا يرحم... يؤلمه أنه يشهد هذا الصمت العربي القاتل الذي يفجر في نفس الشاعر كل مشاعر السخط والغضب، فيترجمها شعراً زجلياً يدين العرب المتهاونين بالقضية... المتخاذلين عن نصرتها... كما يدينهم لتقاعسهم عن كشف ملابسات قضية كبرى كقضية تغيب الإمام موسى الصدر.

وإذ تقوم الثورة الإسلامية في إيران، يشيد الشاعر بمآثرها وإنجازاتها، وبحكمة قائدها "الخميني العظيم" وبتعزيز دولة الإسلام... ويشيد بالمقاومة في جنوب لبنان، وبالمقاومين من الأبطال الذي واجهوا العدو بكل جرأة وإقدام، وضحو بالغالي والنفيس من أجل رفع الظلم والاستبداد، فيطلقها دعوة صارخة إلى رص الصفوف وتوحيدها، واتخاذ العبر من ملحمة كربلاء... والاقترداء بالإمام الحسين في دفع الظلم ودرحر المحتل، أي يكن هذا المحتل، وأيا يكن الظالم عدو الشعوب والإسلام، سواء تمثل بأمريركا، أو تمثل بإسرائيل.

وفي قسم آخر من الديوان يلتفت الشاعر قاسم محمد مهدي أسعد ترحيني "العباوي" إلى هموم الداخل فيؤلمه أن لا تكون دولته دولة العدل والقانون، وهو الذي رأى بألم العين صوراً من البؤس والتخلف والإهمال ومن العين والجور وتسلط القوي على الضعيف، فيعلنها ثورة تُحق الحق وتبسط العدل، وتوازي بين الناس.

وفي خضم هذه المآسي والأحداث، وشؤون الدنيا وشجونها، لا ينسى الآخرة وعقابها وثوابها... فيبحث في أكثر من قصيدة على العمل الصالح والتقوى والتزود للآخرة... ولا عجب في ذلك، فهو شيعي الهوى والمعتقد، يهتدي بهدي نهج البلاغة، ويستنير بفكر الإمام علي الذي هو "باب مدينة العلم".

ولا يخلو هذا الديوان من قصائد المناسبات، وهو أمر لا يخلو منه ديوان، فصيح أو عامي. قديم أو حديث، وسواء كانت هذه المناسبة في شعر "العباوي" عيد معلم أو عيد أم أو عيد حزب.

وأخيراً، فإنني إذ أثنى هذا الديوان الزجلي، ليس لما يحمله من خصائص على الصعيد الغني، بل لما يمثله أيضاً من تمسك بالمبادئ والقيم... ومن تعلق بالأرض... وحرص على الأهل والوطن... ولما تربطني بصاحبه من علاقات المحبة والصداقة والتقدير، فإنه لا يسعني إلا أن أشكر الشباب الجامعي في بلدة عبا الذين طلبوا إليّ أن أقدم

(*) أستاذ مادة التاريخ في الجامعة اللبنانية

لهذا الديوان، وأقدر جهودهم، فقد أخذوا على عاتقهم المحافظة على تراث بلدتهم "عبا" ساعين إلى إحيائه بكل أمانة وإخلاص. وفقهم الله وسدد خطاهم، ورحم الله "قاسم العباوي" وطيب ثراه، وإنما بالله التوفيق.

عَبَّأ في 2002/07/07

بين سلام الراسي و قاسم العباوي

يقول عميد الأدب الشعبي في لبنان الأستاذ سلام الراسي في كتابه الذي صدر مؤخراً " اقعد اعوج واحكي جالس":

قال الشاعر قاسم العباوي:

"شيخ يما مير، ما بتفرق معو هذي وجاهة كاذبة ما بتخدعو
عنا أدب شعبي مهدد بالضياع و قبل الضياع مجبور شيخو يجمعو"

وهكذا رسم قاسم العباوي درب مشيختي فمشيت عليه .

عيد المعلم

* * * *

عيدك يا معلم تهليل
انت البهجة وانت الذوق
تشريف ومجد وتأهيل
ونورك بالعمة قنديل

أفكارك أقوى من سيوف
ولولا علمك ما منشوف
ودرسك مصباح الأفكار
من بطن الارض الأسرار

يا معلم عيدك مشعال
بتخلي الطالب رجّال
علمك مونى للأمي
بيوصل لأعلى قمة

أهل العروبة

قدّيش عم ننده لرب العالمين	تتعيش مع دولة بالله مقربي
وتكون هالدولة لها منهج ودين	تمشي مع القرآن و بخط النبي
لما تحقق حلم كل المسلمين	وصار دولة دين قوة ضاربي
فاعوا عرب امريكا شمال و يمين	عا ضرب هالدولة الفتية الطيبي
وتركوا العدو الحاقد الخصم المبين	لكل دين و كل أمة مهذبي
ونسو القنابل عاليوت الأمنين	الفتكت بشيخ و أرمل و بنت و صبي
ونسو فلسطين العروبة المن سنين	صارت أراضيها لخيلى ملعبى
ونسو أراضيهم بإيد الغاصبين	اليهود عملوها معسكر تجربي
ونسو دمار الموت بالشعب الحزين	ونسو البيوت العطفالا مخربي
أهل العروبة لا عقيدة ولا يقين	باعوا شرفهم للعدو الأجنبي

يا أمة الوجدان

الكانو إلّك صارو عغيرك يعطفو
وزيحي الغطا عن كل شخص وموقفو
مين العدو مين الصديق ما منعرفو
عنا ما شاء الله بالعلم إكتفو
بيتمكنو بكل الظروف يتصرفو
سيطر على نبع الهداية ونشّفو
كلمة علينا لو حكي منطوفو
كيف ما لطش في حقنا منعوفو
الحاجة دعت نفسو لشيء يتألّفو
قمنا القيامة فوق راس الخلفو
وكل شي وقع قدام عينو لفلّو
وفعلو الدني كلمة عتب ماكلّو
الغلط عاحد الغير عمرو منقصو
منلعب معو وعالحد ما منوقفو
كبيرة وثمرها كل وقت بتقطّو
وبياكلو من نعمتو وبيصرفو
بوجود الله بدهم يتفلسفو
ومع كل ابطال الزمان تحالّو
ومع كل أشكال العلوم تآلفو
وجيبو معاني الكائنات وصنّفو
علو وطالو كل كوكب و أكشفو
ومع كل صنّاع السلاح توظّفو
عا كاحل جرين الحسين بينطقو
وحاجي لحانا من ورانا تنتقو
وتتظاهرو بخيال شمعة وتختفّو
وحسابنا حقوق الجماعة تنصّفو
صرتو عند أحبابكم تنتشرفو
قصة شقا و كل يوم عم تتكشّفو
وعاشعب آمن كل وقت بتقصّفو
من كربلا مشربّ دروس تشرفّو
وختم الشهادة عاجبينو مغلفو
وما بتقدرو شمس العقيدة تكسّفو
مهما كبرتو الناس لا تستضعّفو
ما بيتركوكم عاهواكم تعزّفو
هيدي وراثة ناس للباري وفو
إنّ ما عجبكم هالكلام إستأنّفو
مهما المصايب عا جبلنا تستفّو
مثل ما تحرر جنوبي العالمي

يا أمة الوجدان هالحال أندبي
وعودي عا مشرب كل منا تعجبي
ما بيكشف الإنسان إلا التجربي
تا تقول ما عنا نفوس مهذبي
وعنا رجال متقفي ومأدبي
بس الطمع بالقرش علة صايبي
منطلّع بإنسان نفسو طيبي
أما اللسانو مثل سم العقربي
ومنعلق بإنسان مسكين و غبي
اضطر و أكل لقمة خطأ مستغصبي
أما اللي عايش عالحرام و مرتبي
بيمرق بدون محاسبي و معاقبي
و إنسان نفسو عالأمّانة مشربي
أما اللي عامل حد الله ملعبي
وفي ناس نالو من السعادة مرتبي
سخر لهم الله حياة مرتبي
تحدث معاهم في ظروف مناسبي
يا عبقرية تحركي و يا موهبي
جيبو معاني مجوهره ومذهبي
وجيبو الرجال العلكفاح مدربي
وطيرو مع صواريخ جو الاجنبي
وتحالّو مع كل دولة محاربي
ومعكم مشاعيل الإنارة اللاهبي
حاجي تلاعب بالشعوب و شقليبي
حاجي كواع بهيك ساحة وزوربي
أنكنو جبلنا مصيدي للأجنبي
روحو أنصفو أحوالكم هالمتعبي
و صرتو عند المكشفي و لمحجبي
رحتو إحتميتو بضل دولة ضاربي
ما بتعرفو بجنوبنا عنا الصبي
والموت عندو مثل أكلة طيبي
بتقدرو تميلو عقول مخربي
هالظلم ما بيمرق بدون محاسبي
هولي لا الله و للإمام و للنبي
مش إلّكم الأرض الوسيعة مطوبي
وهيدي الطبيعة عالأمّانة مركبي
لا تشمتو بجنوبنا الحر الأبّي
بدو يجيكم يوم ساعة غاضبي

عالقدس يا مهدي جيوشك يزحفو

شهادتين

* * * *

مرة سألني شخص ما عندك خبر	بفرحة صديقك والقيامة قائمي
قلتلو شو صار أحكي مختصر	قلي إستلم ابنو شهادة مكرمي
قلتلو يا ريت تممها القدر	وماخذ شهادة من الهداية مرسمي
الشهادة الأخذها في لها شوية نظر	بتبقى معو قد العمر مش دايمي
أما شهادة ربنا نور البصر	بترافقو عالقبر فيها بيحتمي
بكرة متى ما نام عامخدة حجر	وطلو الجماعة يفتحولو محكمي
بأي سلاح بيرد عن حالو الخطر	بشهادة العبد الأخذها من الحي

ما بشهادة من الاله مختمي

يا ماخذ الدنيا بعين الاعتبار

* * * *

يا ماخذ الدنيا بعين الاعتبار	خذها و لكن شد بالتقوى الزنود
هالأرض بدها من التقى شوية بذار	قادم على أمرين بهبوط و صعود
حتى بتاني أرض تحصل عالثمار	وهللي بيزرع شوك ما بيقطف ورود
حاجي بقا مشغول في زق الحجار	تعمر وتبني بالسواحل والجروود
عمّر و لكن شو بينفع هالعمار	و بينك و بين الرب خرباني الحدود

درس من الحسين

* * * *

هالمنبر اللي بيرقو عالكون لاح	في لو فضل عالكاينة وعالقلتين
من هون صوت الحق حيّا عالفلاح	من هون هز المشرقين والمغربيين
مش حق نتكلم على أيا كفاح	أو معركة إلها على الأبطال دين
مش حق نشهر بالوغا أيا سلاح	إلا بإذن حيدر أمير الخافقين
ما في شهيد إستبسل و نال النجاح	إلا وأخذ درس الشهادة من الحسين

حبة الخير

زراع حبة خير لا تسألني وين
بتأخذ نصيبك من اله الخافقين
بتحطها عاذمة القرآن دين
تفسير واضح ما بيختلفو اتنين
ازرعلك هالك حبة وإيسط هاليدين
و ادفع على حب النبي من الجيبتين
بتكون كاتب كمبيالة عالحسين
ارميها بأي محل موسمها حلي
من كل حبة بمية حبي و سنبللي
بيعطيك آية من الإله مفصلي
أديش من عطف الإله مرسملي
بتضمن وفاها بالحقوق كاملي
هيدي التجارة الرابعة والمفضلي
وعند الصراط و عند تقسيم الحصص
مين أوفى من الحسين و من علي

يا متكل على العمر

* * * *

يا متكل عالعمر فگر عن يقين
ما عرفت فخ الموت ناصبك كمين
بالموت فكر قبل ما تصبح دفين
بتفكير ساعة في شؤون العالمين
الحر لو ما استعمل العقل الفطين
ما قابل الخلاق مرفوع الجبين
وما سمعت عن حكمة أمير المؤمنين
كيف إلتقو بعد الفقيد الوارثين
الزوجة أخذها شخص غيرك يا حزين
والفلوس توزعت عالطيبين
ولادك إنطلعو في غيابك صالحين
وانكان طلعو فاسقين وفاسدين
عندك شموخ و مقدره و زندك متين
وروحك بإيدو كل ساعة و كل حين
و كيف كنت وكيف صرت وأنت مين
بتوصل بتفكيرك على الشاطي الامين
في كربلا بثورة إمام المتقين
وما سجلو التاريخ رمز المخلصين
لما وصف رحلة مصير الميتين
الزوجة مع الأولاد و المال الثمين
وبيتك وأرضك للغريب مطوبين
و لولاد توزعوا شمال و يمين
بيترحمو عليك الرجال الخيرين
كل ما عتدو عاشخص مؤمن بالحياة

بتتحمل اللعنات عامر السنين

بين القصر والقبر

* * * *

بين القصر و القبر صار محاورة	الموضوع كيف سيكون تقرير المصير
قلو القصر شو فيك مجد و مفخرة	معتم بوجه الضيف أسلوبك خطير
بتستقبل الضيف بحياة مكدرة	ما بتحترم ضيفك صغير و لا كبير
ما فيك إلا تراب مثل المحفرة	ما بيلتقى عندك كراسي و لا حصير
قلو القبر يا قصر حاجي ثرثرة	يا ريت طالع فيك ذرة من الضمير
كم في ملك من قبلك الدنيا إشتري	و جابو لعندي الموت مكتوف وأسير
ملفلف بشقفة خام و فراشو الثرى	و بضياقتي نام الغني جنب الفقير
ويا ما قصور مزيني ومزنة	ما تركت فيها لا وزير و لا أمير
القصر إيامو قصيرة مقررة	بيغنى متى ما شاء مولانا القدير
هيدي نهاية كل شخص من الورى	يا قصر من قبري الجميع بيطلعو
واحد على الفردوس واحد عالسعير	

ما بعد الموت

* * * *

انت و ببطن الأرض مشلوح ودفين
لوين بعدك رايح شمال ويمين
بدك تقابل وجه رب العالمين
جرب شي مرة و دق باب الحاكمين
انكنو سجلك مش نظيف ومش أمين
وعم تطلب الجنة وديار الخالدين
جنة عدن حصة خيار المتقين
قديش من هالكون صار ماضي سنين
منهم بقوا ومنهم قريب مسافرين
بتعرف بأي دار صارو نازلين

بياكلوك ولادها وبيشربوك
لوين عشاق الدني عم يبعثوك
وين الشهادة الجبتها بحسن السلوك
وقدم طلب مرة بوظيفة يعينوك
بالدايرة كناس ما بيوظفوك
وموعود من جنس الحوارى يزوجوك
والنار حصتها جماعة ببشبهوك
وقديش ماتو ملوك و بتحيا ملوك
وبكرا على نفس المحطة بيلحقوك
اللي بيعوك الآخرة و الها إشتروك

زوال السلطنة

* * * *

أكبر ملك بالمشرق وبالمغربين	وعرشو على ركن العبودية بني
لو مات بتحد الرعية جمعتين	لو كان عادل بالرعية معتي
انكنت مؤمن فتح بإيران عين	بتشوفك مشهد زوال السلطني
الشیطان برقاب البشر حكم اثنين	شاه وابن والحكم ما ضاين سني
ولما بتعرف حفرة الاثنين وين	بتصير نفسك بالحقيقة مؤمني
تفضل وجول بكر بلا عالميلتين	كيف المقامات الشريفة مبيني
بيفوح منها مسك دماط الحسين	بنور العقيدة مشعشة ومزيني
بتضل تخفق رايتو عالامتين	وما بتتطوي تا تنطوي شعوب الدني
وأكبر ملك لو طال راسو الفرقدين	لو مرّ عا حدود الحسين بينحني

مصير الشاه

* * * *

من بعد أهل الوحي و التنزيل	ما عاش معنا عهد بيوفي
و لا ظل عهد منيح عالتكميل	إلا و خلق بالحال متوفي
و قديش صار مزاحمة و تبديل	و مين بدو يدير هالدفى
بيطلع علينا شخص حتى يزيل	من الشعب نار الجور و يطفي
تاري جنابو أولو بركيل	وآخرو جزار متخفي
و منقول بدنا نصد اسرائيل	وحكامها عالدار منلفي
ما عاد بدها المسألة تحليل	والشعب عا شمعة هوا ندفي
و لا عاد بدها المشكلة تأجيل	الكيل انطفح هالقد بيكفي
إيران حطو حولها أساطيل	تحمي ملك مشهور بالخفي
مشهور بالتزوير و التدجيل	خلا شعب إيران عالحفي
راح شاه الظلم و التضليل	مغطس بدم الشعب للشفي
شرف بدالو الحمد و التهليل	للدين للأخلاص للعفي
من سنة ألف و تسعمية جيل	أول ملك بتسقطو لفي
بدنا شي لفة بعد منها تميل	على عرش ثاني مزيف تكفي

الأم

مثل فضل هالام يا تاريخ هات و هات مثل شعورها و الطافها
تتقول صفحاتك ملانة معجزات و ما حرمت أمة حق من انصافها
كل شي عطيتو للدني من ذكريات ما في حدا إلا سمعها و شافها
بتضل صفحاتك بفضل الامهات بتوج مثل النور من أوصافها

قديش كلمة أم بتهز الضمير بتحرك الكون الوسيع بمجمعو
عزندها قديش هالطفل الصغير ليل و نهار تغنجو و تدلعو
و قديش لوعها السهر فوق السرير و ركابها للفجر ضلو يركعو
و كلما صرخلو صوت بسرير الحديد تفيق عند النوم حتى ترضعو
و بتعود تتشلقح عا قشات الحصير و صوت النفس لو ضايقو ما ترفعو
و لما يصير منيح بالمشي و قدير كلما مشي أفكارها بتمشي معو
وبتلازمو تا يصير رجال و كبير و يوم الما فيها تقشعو أو تسمعو
بتضل سهراني و بالله تستجير و تدعي تا حتى يزورها و تذرف دموع

دمعة على دمعة تحتى تقشعو

الحزب القومي

يا روح قائد شهر تموز إصعدي
و تشرفي بروح الزعيم و إصعدي
مطرح ما في قومي اجتماعي زغردي
أول حزب ثوب العقيدة بيرتدي
الفكرة انما كانت عن أساس مشيدي
كم ألف فكرة للخيال مجندي
انكان ما فيها مبادي جيدي
أما الفكر البلعقيدي مزودي
و أهدافها جمع الحدود المبعدي
هيدي الحدود عا دم شعب معبدي
مش رح منسمح للعدو المعتدي
هيدي شعارات الزعيم الخالدي
كلما انتهينا من كفاح منبتدي
نحنأ بأمة مستقلة موحددي
يا سماء و يا أرض الله إشهدي

عا برج عم بيشع للعالم حكم
نيال قلبو اللي بشرف نفسو إغتتم
تالسيف يرقص عا مقامو والقلم
عن شيء أسمو طائفية ما إلترم
وحزب الما عندو خير بالشر اصطدم
جابت لامتها المصايب و الالم
بجرها النسيان بحبال العدم
وايمانها ثابت بعمر و ما نبرم
اللي تجزأت من عهد عالمنا القدم
الله تعالى خصها لنا نعم
يحتل هون و هون و نقلو نعم
بتضل بالاجيال دستور و حكم
بتاني كفاح و بعدنا عند القسم
والزوبعة يرفرف علمها عالأمم
اني انا قومي و فدا أغلى علم

بعد اطلاعي بالنفوس و بالفلوس
شفت العريس استشهد و بعد العروس
قديش صار بهالحرب تقطيع روس
ما في حرامي مات بليالي النحوس
طعم الشهادة و الفدى و بذل النفوس
صارت أمانة بعنق أمتنا و دروس

وتقليب تاريخ البشر عالميلتين
تذرف دموعها و دمעה ببيضل دين
ونهب البيوت الآمنة عالجبهتين
إلا انعلن إسمو شهيد بديرتين
هيدي رسالة حق سنوها تنين
بدم الزعيم متوجة و دم الحسين

طعم الإزدهار

أيمتى منذوق طعم الإزدهار و قوادنا لنو شوية يعقلو
وأيمتى منشم طيب الانتصار عا نفوسنا و ثوب الميوعة نبدلو
الأعداء صارو كتار و علينا حصار من كل صوب و ميل عم يتكتلو
و كل يوم قصف و هدم عصحاب الديار ما في حدا يسأل جبلنا شو إلو
يا جنوب المجد يا جنوب الفخار صيتك دوخ راس الزمان و شغلو
فيك الطفل و الشب حتى الاختيار عا صوت قنبلة الوغا بيتغزلو
في كل صخرة تحتها بركان نار يللي حملتو الكون ما بيتحملو
عم تنزل الضربات عا راسك كبار وقديش منك أبريا عم يقتلو
كم ألف شكوى بمجلس الاهمال صار وبيزمر و عا دمنا و بيطلو
و منموت نحنا تحت جنزير الدمار وهني عا لذات الهوى بيتقتلو
وين العرب و ملوكها و حق الجوار لموقف موحد بعدهم ما توصلو
شايف انا الجبار رح يعمل قرار وبالأمن عزرائيل رح بيوكلو
و يرجع براس الكفر يلعب ذو الفقار ويقضي عا أنظمة الفساد الجائرين

و يظهر المهدي الكون بكاملو

الإمام الصدر

ما بلوم جائع لو ضرب جيبو الطفر
ما بلوم شي إنسان من بيتو نفر
ما بلوم اي شخص في أهلو كفر
ما بلوم صاحب خير فكر بالسفر
سبحان الله كيف صارت هالبشر
مقتل بري أكبر ذنب ما بينغفر
قتل شعب عالهيئة فيها نظر
ومهما الجرائم كبرت و كبر الخطر
هيدي علامة من علامات الظهور
و كل النواقص بالظهور بيكملو

يا للي خطفت الصدر لو عندك يقين
لو كان عندك دين مرفعت الجبين
تقول عنك مسلم و عقلك فطين
هيك الضيافة عند شرع المسلمين
الصدر مش النا لكل العالمين
بعدو أملنا الصدر عا مر السنين
تجرات تا تخفي إمام العاملين
عمر بن ود انكنت و بحصنك حصين
بدها العقيدة تلاحقك من كل دين
قديش عمر اعتر في زندو المتين
وقديش هز السيف في وجه الامين
عند النتيجة بكل عنترتو اللعين
عمر و انقص من حد شفرة ذو الفقار
و عمرك انشالله بتقصو شيعة علي

أيام الحزن

الايام بالحزن انبرم دولابها
كل يوم نعوة مغلفة بكتابها
مهما الحبايب فارقت أحبابها
و كم أم حرقت ابنها عاغيابها
كل المصايب هينة عا صاحبها
الكلمة الرشيدة باقية أحلا نغم

عالسان رواد الرجال الطيبين
بعدو لحد اليوم عا مر السنين
أحكام بتمون جميع العالمين
عاجم علم اللي مضو و الآتئين
تانشوف بالدنيا أمير العلم مين
ووين الشجاعة و الكرم متجمعين
وباب خبير تحت صايبعو عجين
وجز رقبة عمر مرفوع الجبين
باقي على مر الزمن شاهد أمين
تركت بإذن الدهر و العالم رنين
ممنوع أي شخص يدخل بابها
طه مدينة علم عال الدنيا علم

إلا بإشارة من أمير المؤمنين

الزوبعة

بالله يا تاريخ يا حاصي الأمم قديش صفحاتك ملاني عالمين
من جيلنا لتلحق جبال القدم عندك رجالات العظام مسجلين
بحيات مجدك ضل عاراس القمم وتطلع بعينين حتى تشوف مين
دك الصخور و شك عالقة علم محمد بدم التضحية و صدق اليقين
بتشوف كل زنود مجبولي همم بتشيل قلب السبع من قلب العرين
تحرك يا تاريخ الوفا و خلي القلم يشرح ملاحم بالجهاد مسطرين

كيف كان الديب يفتك بالغنم بتشوف أبطال الزوابع كلها

تحصد جماجم عالشمال و عاليمين

الأب

* * * *

خذلك مثل عن أب قديشو أمين تا يعلم ولادو بظروفو المتعبي
بيصير يسأل مين أحلا معلمين ومين أحلا مدرسي و مهذي
تايشوف أولاد شباب مثقفين ومعهم شهادة من العلوم مذهبي
مفعولها مرهون بالعمر الحزين مش بتبقى عا حسابو مطوبي
عيد النظر يا بو العيال و شوف مين يعلم ولادك عاطريقة طيبي
منشان تا تحصل عا مستقبل ثمين معطر بوردات الخلود الطيبي
مئل عا ثاني مدرسي الها سنين العلم مجاني و لأله مقربي
مشرعا ابوابها للمؤمنين فيها المعلم ربنا و أهل النبي
بتشوفك كيف العقيدة و اليقين لما بتحصل عا شهادة مرتبي
بتقابل الخلاق مرفوع الجبين مخلد مع جوار الأئمة الطيبي
أما الشهادة الما عليها حروف دين ومصدقة بتوقيع ختم المعربي
يوم القيامة في سجل الخالدين البيكون مؤمن بالأئمة بيلتقي
و صاحب الشادي بيلتقي بالأجنبي

ليالي كربلاء

هلة ليالي كربلا بمطلع جديد معها رسالة من الحسين للعالمين
ومغلفة بانذار من طابع بريد مصدق على يد الأئمة الطاهرين

كل عام عم نحضر مجالس عن أكيد بعدن لحد اليوم عنا مسجلين
مين الحفظ درس الشهادة و مستفيد من وقائع كربلا من الناس مين
واليوم مين ما مات منقلو شهيد رايح على الجنة وزواجو حور العين
الحر لو ما ستعمل الرأي السديد و نفسو الزكية مسلحة بصدق اليقين
كان ضل ماشي بخط يزيد العنيد لكن يقينو بخالق الدنيا متين
ثوب الشهادة ملبس الجسم السعيد حياكة أيادي مطهرة و رجال دين
لما الحسين شاف الجماعة عم تحيد عن شرع رب الكائنة و نهج الأمين
و يزيد كذب بالنبي و يوم الوعيد وكذب بما أنزل اله العالمين
ضحى بأغلى شيء عندو تا يعيد مجد الرسالة الهاشمية لليقين
كان فيه يبايع الطاعي يزيد ويسلم بروحو من الجماعة المجرمين
لكن أبت نفسو الشريفة تمد ايد للطاغية الكافر يزيد البربري

ياللي مشي عانهج إبليس اللعين

معركة الأعداء

* * * *

ما جيت أحكي و غاييتي يقولو فطين
ولا جيت اتظاهر أمام المتقين
ولا جيت بالأشعار أهل الشعر زين
لكن فكاري حركتني بالحنين
عم نشتكى من معركة أعداء دين
نحننا بحالة حرب من عدة سنين
حرب النميمة و الفتن و الفاسدين
هيدا يساري بعسكرو وهيدا يمين
بشوف العدو الخارجي الخصم المبين
أما العدو الداخلي العامل كمين
هيدا خصم أهل العقيدة و اليقين
الله خلقنا خير أمة و قادرين
عاشرط نبقي عالرسالة موحدين
إيران حاكمها ملك معروف مين
وكانت لاسرائيل نبعة بنزين
وطل الخميني وهد ركن المشركين
وينك يا قائم يا أمير المؤمنين
ما عاد فيها الأرض تحمل مجرمين
إشتقنا تا حتى نشوف سيفك ناظرين
وكل الطغاة و كل أصحاب الفساد

يتشقلبو عشفار سيفك شقلبي

تلميز بالمدرسة

بالمدرسة التلميذ لما يبيتي مع صف أول صغر سنو يجمعو
إن شافو المعلم شاطر و عم يهتي بدما الادارة بصف ثاني توضعو
كم جيل مدرسة الحسين مشييدة كم جيل هالذكرى الحميدي تسمعو
مش بس هالذكرى محدي إليها الامم بيرق شرفها بيرفعو
أبطالها بسلك العقيدة مجندي لولا إلتقو للموت ما بيتراجعو
و لو كان تابعنا الدروس الجيدة ورس الايمان على أصولو بنتبعو
و لو كل منا عن صحيح محدي وانفوسنا عن كل غاية ترفعو
من عندنا بياكل عقابو المعتدي ومن عند مالك العرش ، الطاعي بنخلعو

الدمعة الحمراء

من دمعتي الحمرا احترق خدي طول عذابي من قصر يدي
و الهم فصلّي على جسمي ثياب من الضعف طول العمر بتهدي
و لا هم فصلّي على جسمي ثياب من مهجتي بكافل بدون حساب

يا ولف بعدك بالامل مرتاب

من طيب أخلاقي

من طيب أخلاقي بحافظ على وعودك و من سكرتي بلاقي غيابك من وجودك
بتاجر بأسواقى و استنظر وعودك رسال اشواقى و المربح حضورك
و ما فى عاوجه البسيطة طير بيطير الا بيرجع يهذي
و ما فى على وجه البسيطة طير بيجب الا ما بيتعب من السير
حاجي بقى شمنت في الخلق يا محطم طلوعي في موج طوفانك
يا تارك ظلوعي ملعب لنيرانك حبيت عاوضوحى ظلوعي بهجرانك

من حيث ظلوعي تنزل على شانك

و مش حرام عليك يا قاسي تظل غايب كل هالمة
و مش حرام عليك يا قاسي تفوتني مطعون بحواسي
دمعة امل رح تنشف بكاسي العزال شافوني سهران من دونك
صارو يعدوني قيسك و مجنونك و من صوت جنوني عم خاطب رعونك
النوح لعيوني و النوم لعيونك ومن بعد ومك عني لاقى فيني

ما عاد راسي ينام عامخدي

ومن بعد نومك عني لاكي شاركت روحي عامشقاتي
وضيعت بالتفكير أوقاتى عصفور عقلي ساح لما لحق جهلو
أصبح بدون جناح و الغصن يندهلو
ومن كترت الارياح تغير على اهلو
وكان لي قلب مرتاح عايش على مهلو
ومن بعد ما ذقت الفراق دريت كثرة الجفا عالقبر بيودي
يا حلو من بلع البلا كفي جافيتني و هالقد بيكفي
بغير عادة صار ماضي عليك ايام عني انت متخفي
من غير عادة صار ماضي عليك ايام عن مهجتي لبيك
يا هل ترى بتشوفني عاليين أيوب بالحسرات والآلام

لا شاف درس و لا لحق صفي

يا محمد يا حلو يا محرم عيون تنام و رغم الجفا ما بحاربك الا بسلاح الطهر والعفة
و غم الجفا ما بحاربك الا بسلاح من مدّ الوطن حلا ولي قلب عنك ما بيتخلى
و قلبي بجمر محبتك شعلان وشو رح يطفي الدمع تا يطفي

الكون شاشة فيلم

* * * *

الكون شاشة فيلم و الدنيا خيال	وكاسها على شفة الجاهل حلي
يا قبر يا بحر النزاهة و الكمال	موجك عسل و القاع جوهر ممثلي
ساعة لقاء بيبتي عمر رجال	ومن عتمتك فجر الحقيقة بينجلي
ويا محطم الآمال عا صخر الزوال	منك على الجنة مرق طه و علي

الأئمة

هات لي أئمة كالائمة الطاهرة	أرواحهم كرمال الله تطوعو
وهات لي بتاريخ النساء القادرة	مثل زينب مجدها ما أروعو
وهات لي رجل دين النبي بدمو اشترى	مثل الحسين و مثل الاصحاب المعو
بيو علي باب المدينة المنورة	مفتاحها حطو الرسول بأصبعو
جيبو الدروس الباطنة والظاهرة	من جديد علام الفصاحة يطبعو
وجيبو كتب المصغرة والمكبرة	وكل أسباب الكلام يصنعو
ويحصو عددهم بالاقلام الفلسفة	سطين من نهج البلاغة بيطلعو

سهرة غربية

مرة حضرت سهرة غربية مكهربي
و في بنت تصدت لست مهذبي
بعذك بالمنديل القديم محجبي
ما علمك بيك على لبس الاجنبي
بعذك صبية مأخرة مش هيبة
وين ما حضرتي مجلسك بتعبي
روحي قصدي أي محل و مكتبي
بيك مأخر مش مثل حضرت أبي
مطرح ما بدي بروح ما في معاتبي
قالت لها الست الشريفة الطيبة
شو رأيك بمنديل شرف بنت النبي
ما بيعجبك منديل مريم اهربي
منديل عذراء البتول مش ملعبي
عم ترشديني من جنابي تطلبي
ديني عطاني درس حكمة وموهبة
كنو أبوكي دربك تا تشربي
نحنا تزوجنا الكرامة من الخبي
ظلك مع اللبس القصير وإذهبي
وعالبحر روحي وكل ما تشوبي
و عا بيت تاني رحت ساعة مناسبة
سلم علي بصوت ناعم ما خبي

في بيت جمعنا الظروف مشكلين
وقالت لها من وين انت و بنت مين
ونحنا بعصر معلمين مثقفين
انت ورفيقك بالسباحة غارقين
موديل لبسك مأكلة عليه السنين
وبيضحكو عليك شباب مخنفسين
بفرجوكي كيف نحنا لابسين
لبس على ذوقي وكل أهلي عارفين
عالسينما عالبحر بالسعر الثمين
بتعيريني بلبس منديل الرصين
ومنديل مريم إم عيسى عن يقين
منديلها وتعلقي بغير دين
طهر وجليلا من نصارى ومسلمين
طالع مجلات الخلاعة بكل دين
بعار ميزان الفضيلة ظل زين
من كاس الخلاعة وزوجك إبليس اللعين
نحنا على خط الكمال متابعين
وين ما مشيتي إبليس ناصبك كمين
تشوبك جهنم الباردة عالفاسدين
شفت شب منيح بين الحاضرين
وعن دينتي كلمات موسيقة حنين

وتأملت فيه مشربو غير مشربي والمشكلة تاهو معاي الناظرين
صرنا نفكر و الحساسى متعبي هوي رجل مدري مرأة مش عارفين
حواجبو حواجب مرأة وشعرو عبي وسوالفو لحد ذقنو واصلين
وفي بنطلونو قشاط طالع تجربى قد الخصر حتى يبين مش سمين
وعينيه من فوق الجفون مشقلبي لوما ذكاي ما كشفت سره الدفين
قلت لها يا نفس لا تتعجبى بعد طالع جيل يا الله تعين

بدنا حسين مثل الحسين قلبو الابي
يما الامام المنتظر قبل الاوان
يطهر بسيفو عالشمال و عاليمين

مباراة زجلية بين قاسم العباوي و كروان الوادي

كروان الوادي

مهما سبحت بأفكارك عن فقشة موج فكارك
في عندي ميزان الفن ببحرر وزن عيارك

كروان الوادي

مهما تغني قرادي تتاجر فيها زيادي
خللي الايام تنادي تفكيرك عين الميزان
وعيارى سر عيارك

قاسم:

الشعر من فكارى ممنون حروفو شبعث منى فنون
بيضل عيارى موزون ومقدارى من مقدارك

كروان :

لو فعل فنونك مألوف كان عندك بالشعر حروف
وبالدنيا عيارك معروف وما بدك ميزان يزين
وساخر يكشف أسرارك

قاسم:

الناس بيحكى فيى وفيك وكل حقوقك عم أعطيك
ولولا ما عيارى بيرضيك ما بشوفك عا ميزانى
عم تبني مشوارك

كروان:

كل زهرة و في إلا ألوان و كل عود بيعرف وتارو
وكل غصن بزهوة البستان في إلو عصفور يختارو

عين الحقيقة تيكشف سرار
والشاعر خلودو بأشعارو
خبز الوحي ما بترخص سعارو
كل ميزان و في إلو عيارو

والساحر البشوف بالفنجان
و يالكاينة لوحة فكر لبنان
ومهما القمح يوزان بالقبان
وقد ما تنتوع الأوزان

قاسم:

ومتل ما بعطيك عالموضوع هات
عياري بيرجع في ميازين الحياة

خليك يا كروان في عندك ثبات
مازالني بالحق بايع مشتري

كروان:

ومعدن ضميرك بالعار تغيرو
إلا عيار الحق ما بعيرو

عطيتك حقيقة و ليش حقي تطيرو
عيون الفضيلة في ميازين الحياة

قاسم:

والحق عندي ومن فكاري ما ذهب
وقيمة عياري بقيمة عيار الذهب

شاعر من الرحمان إلهامو نوهب
بيتهدم الميزان والزايين معو

كروان:

حتى تضل بجوهرك شاعر كبير
بس العيار بتقفرو عيون الضمير

ما بعمرك حق غيرك تستعير
الميزان بيزين التتلك مثل الذهب

قاسم:

غير المعو ميزان للمبدأ رجيح
إنما كان ميزانو بأوزانو صحيح.

ما في حدا منصفو شاعر فصيح
بدو الخضار يبيع مطرح جوهر

مقتطفات وعتابا

* * * *

من ندى...

من ندى لو كان سمّعا ندا
عاشت بظل الوالدين كتلة ندى
و إسمها ندى و بفعلها قطرة ندى
و لو ما الندى ما كانا قطفنا ثمارنا

* * * * *

لبينا النداء...

لبينا نداك يا ندانا
و على كفٍ وفيت ندانا
و لو ما عالارض يهطل ندانا
ما شفنا عالارض زهرة عشاب

* * * * *

يا فكرة في بني جفال حدي
اللي تجاوب بهالموضوع حدي
و كلما شفت هالجفال حدي
شمخ راسي عا نجمات السحاب

بحسين علي رجّحت عالدهر عيني
و نبعث من مروج الطهر عيني
و إذا ما شافتو بصايبص عيني
حبو في بصايبص الهباب.

* * * * *

يا قلبي روح لحبابي جاملهم
و تحمّل قد ما بتقدر جملهم
خدودي بالبكي غرقت جملهم
حفر على دمع عيني عالغياب.

* * * * *

قلي أي متى صوبي تمر مر
فيل ما ذوق عافراقك تمر مر
وكثر ما القلب عاغيابك تمر مر
قلي قلبي خان مستودع 000

* * * * *

تركبت بغيبتك بالأم عني
والعاطفة حولت الابدان عني
وإذا بتغيب طول العمر عني
بسحب صرت ذكرك على الغياب.

* * * * *

بحر يا دافع مواجك عابرنا
أخذت احبابنا و فوقك عبرنا
إذا نشفت بنخللي عبرنا
تعمل بحر و بنجيب الحباب.

خيّك من مزاجو الطهر تمسك
و حاش النار بالآخر تمسك
و إذا مجرم بأجنحتو تمسك
دخل جنة عدن من دون حساب

* * * * *

فرّق البشر عن بعضها فرق الطيور

النحل طير وأكبر الطير النسور
النسر ما بينهش الا من الوقيصة المنته
والنحل ما بيمتص إلا من الزهور
* * * * *

ومرة زار الشاعر أحد الأطباء المشهورين والمشهود لهم بالذكاء
والخبرة فنظم له هذين البيتين:
يا دكتور الحكمة بيديك
الله من عنده خصك
عزارئيل احتج عليك
قاطع رزقه بمقصك
* * * * *

وفي إحدى المرات كان شاعرنا مع السيد أبو كرم قاووق، وقد خالف قانون السير،
فبعدهما تم توقيفهما ارتجل السيد قاسم قائلاً لشرطي السير:
رصاصاتك أطرى من الخس
يللي متلك فهم وحس
جايي بها السير وغلطان
سامحني هالمرة وبس

بغية علم يا ضيعتي جينا

قصيدة للشاعر السيد علي داوود ترحيني في رثاء الشاعر قاسم العباوي .

بغية علم يا ضيعتي جينا
و اسمو باسمك للأبد مقرون
عبا العباوي عطى مضمون
و خلا اسم عبا شهير يكون
و اسمك يا عبا ما بقي مسجون
يا بو محمد شعرك الموزون
و نبع شعرك بالصدر مخزون
و كنت ببال ولهجتو مفتون
و يا ما وعي عاصوتك الحسون
فارقتنا يا جوهر المكنون
عاغيتك صار الشعر محزون
و تيتمت بعدك قوافينا
نرثي اللي صارلو عمر يرثينا
بأفراحنا و دمة مأسينا
مضمون شعشع في ليالينا
بايام حاضرننا و ماضينا
ذاب فيكي و ذوبك فينا
أحلى قصايد شعر معطينا
و كل ما عطشنا كنت تروينا
و صوتك مثل نسمة يو عينا
و يا ما لصلات الفجر داعينا
و نار الهجر و البعد كاوينا
و جف القلم و تفرطو الدمعات

شوكان شاعرنا العباوي
أبيات شعرو تناقلو الاجيال
و فكرو وفق اكثر من الشلال
و كان انصرخ عامنبرو موال
و كل ما بحفلات التحدي جال
و عرش الزجل لما بيمينو طال
بحيثو لأهل البيت قلبو مال
طلق الدف و من حسابو شال
و صوت شاعرنا بقي بالبال
هيكى قضى عمر سنين طوال
تنازل عن الشهرة و عن الاموال
و عاش بعرينو و شابت الامال
و بليل مظلم غيب المشعال
مشعال فكرك للأبد ضاوي
عرفتو أديب و شاعر و راوي
و نبعو جنينات لأدب راوي
تايفضل ورد الموهبي غاوي
قلب الجريج بجرحتو يداوي
كان النصر عامنبرو يخاوي
عافو لكل مخضرم و هاوي
و حب الائمة بمهجتو حاوي
كل فعل من الاجر حاوي
و بعدو بمسامع أهلنا داوي
الضدين ما كان يقبل يساوي
بحيثو عكسب لاخرة ناوي
و الموت أصدر حكم مأساوي
و يا بو محمد لو غبت بيضل

و كلما نسينا الآخ و ارتحنا
يا بو محمد شح نور العيد
انت ربحت الىخرة البتفيد
دشرتنا اللهم و التنهيد
و نار الحرب عم تشعل من جديد
و اللي بيمينو قدم بواريد
يا ريت ضلو عن حمانا بعيد
انكان قصدو و غايتو بيريد
بجنوبنا تحت الرماد و قيد
أسياد نحننا و ما منقبل سيد
بيعود سهم الموت يجرحنا
و تيتمت بعدك مسارحنا
و نحننا الوفا من ولادك ربنا
عاغينا بكيت جوارحنا
و جمراتها بتحرق جوانحنا
عاد بشمالو الحب شلحنا
و لا قدم سلاح و سلحنا
يقضي علينا و عامصالحنا
و فينا لا يطمع لو تسامحنا
و ما في حدا من هون زحزحنا

عترابنا منضل ما منحيد
مثل الشجر بالارض مزروعين
منعیش او منموت مطرحنا